






6249

Acc 85-199 (3-13)

Rhachion tris rose. Anterior
picus semiblati chesnaui





ARTICLES

ACCORDEZ ET IVREZ,
en l'assemblée des Estats du païs de
Languedoc: faicte dans la ville de
LAVAVR, pour l'Vnion des ha-
bitans Catholiques dudict païs.

*Ensemble l' Arrest de la Cour du Parlement de
Tolose, portant confirmation, & autori-
sation desdicts Articles.*




A PARIS,

Chez Guillaume Chaudiere, ruë S. Iacques,
à l'enseigne du Temps, & del'Homme
sauuage.

M. D. XC.

Iouxté la coppie imprimée à Lyon, par Jehan Pillehotte.

AVEC PERMISSION.





ARTICLES ACCORDEZ

*& iurez en l'assemblée generale des
Estats de Languedoc, tenus à
Lauaur le 17. Decembre*

1589.

Nous iurons & promettons
à Dieu & à la Vierge Ma-
rie sa sainte & glorieuse
Mere, aux Saints & Sain-
ctes de Paradis, de ne iamais recon-
noistre Roy en France qu'il ne soit
Catholique, oingt, sacré & couronné,
& qu'il n'ait prins le sceptre des mains
de l'Eglise Catholique, Apostolique
& Romaine, suyuant ce qu'a esté
tousiours obserué depuis l'establisse-
ment de ce Royaume.

A ij

Et d'autant que le Roy. de Nauarre, comme heretique, excommunié, & relaps, a esté déclaré par nostre Sainct Pere indigne de succeder à la Couronne de France: ayant esté dès son enfance chef, & protecteur des Heretiques: Nous iurons aussi, & promettons de ne le reconnoistre pour Roy, & ne luy obeir aucunement, ny à autre Heretique, ou fauteur des Heretiques.

Les susdicts Articles, ont esté iurez pendant l'assemblée desdicts Estats: tant par Monseigneur de Joyeuse, Marechal de France, Gouverneur & Lieutenant general de l'Estat en cedit pais, & autres Sieurs Commisaires, Presidens avec ledict Sieur ausdicts Estats, Messieurs les deputez de la Cour de Parlement de Tolose,

que par Messieurs des trois Estats
dudict pais : entre les mains de Mes-
sire Alexandre de Bardis, Euesque de
sainct Papoul, dans l'Eglise des Cor-
deliers de la ville de Lauaur, le dix-
septiesme iour de Decembre, mil
cinq cens quatre vingtz neuf. Ainsi
que plus à plain est specifié dans le
registre dudict pais.

Signé,

FIEVBET.

Extraict des Registres de Parlement.

VE V la Requête presentee
par le Syndic du pays de
Lâguedoc, ensemble le pro-
cès verbal des Estats generaux dudict
pays, tenus à Lauaur, ceste presente
annee. Et les articles iurez en l'assem-

blee desdicts Estats, le dixseptiesme de ce mois. LA COUR, les Chambres assemblees, a ordonné & ordonne que lesdicts Articles seront enregistrez és Registres d'icelle, & le contenu en iceux gardé & obserué. Et à ces fins toutes personnes de quelque qualité & condition qu'elles soient, seront tenuës de les iurer en la forme contenuë audict procès verbal desdicts Estats. Et neantmoins que ceux qui seront refusans de faire ledict serment, ou qui contreuendront à iceluy : soustenans de faict ou de parole le party du Roy de Nauarre, au preiudice de la sainte Vnion des Catholiques, seront punis comme rebelles crimineux de lese Majesté, & proditeurs de leur patrie & Religion. Enjoignant à tous Seneschaux, Bailifs ou leurs Lieutenans, & autres Ju-

ges & Magistrats de ce ressort, enquerir diligemment des contrauentions, proceder contre les coupables ainsi qu'il appartiendra. Et aduertir la Cour du deuoir qu'ils y auront faiët. Prononcé en Parlement, le vingt-deuxiesme iour de Decembre, mil cinq cens quatre vingts neuf.

Signé, DV TORNOER.

